



Die Bücher in dinsten Teil

- Entstehung M. f. I. Ilyrin .
- Bedanken auff das Interim .
- Bedanken der jungen Chor: prediger .
- Bedanken der Pfaffen prediger .
- Wider den Orden Tuffel Interim .
- Das widerzinsgen zu Braunschweig .
- M. Amendorff Antwort wider D. Pomer .
- Form einer papistischen Visitation .
- Predig wider das Interim .
- Wider des Interims Vater Jhabimus .
- Erlige Briefte Mar. Luff .
- Wider die Orator D. Ziegler N. Amendorff .
- Christliche und Tröthliche Underweisung an alle
Christen Autoris Lampadij .
- Vermahnung zur beständigkeit .
- Eine Copy eines protestantischen Mandats .

Ein wunderbarlich gesichte newlich bey
 Braunschweig am hiemel gesehen/beschriben
 durch den hochgelerten hern Doctorem Nic
 colaum Medlerum / superattendententem
 zu Braunschweig.



Kuec am 21 wenn dis anfehbet zu geschehn so sehet
 vff/vnd hebt ewer heubter vff/darumb das sich ewer
 erlösung naebet.

D. L. Auctori de apadio fuso dno
 Math. flacig Thyrice cvij



Faint, illegible handwritten text, possibly bleed-through from the reverse side of the page.

Die vorrede.

Man lese alle historien der kirchen vnd aller Theologen bücher/ die man immer finden mag/ vnd forsche fleissig nach der sache/ So findet man gewisslich/das nie so klar / vnd so reichlich das wort gottes dem menschlichem geschlecht von gott gegeben / oder geoffenbaret ist worden als eben zu dieser letzten zeit.

Denn betrachte ein jeglicher bey sich selbst/ wenn ist es doch also deutlich erkläret worden/ was für ein vnterscheid ist zwischen dem gesetz, vnd dem Euangelio (welches doch der schlüssel der heiligen schrift/ vnd erkantnis gottes ist) worzu diene Moses/ vnd Christus/ wie man selig wirt / Nämlich das wir erstlich müssen durch das gesetz vnser sünd vnd gottes zorn erkennen / dafür erschrecken / vnd vns ernstlich lassen leyden sein.

Zum andern durch den glauben allein die auffgerichte schlange ansehen / vnd gewisslich schliessen/ das allein das lamb gottes vnser sünd hinweg von vns genummen habe / vnd das ja kein ander name vnter dem himmel sey/ durch welchen wir selig werden/ Vnd das wir also durch einen solchen glauben erlangen ablas der sünde/ die erbschafft/ den heiligen geist/ vnd das ewige leben.

Zum letzten das wir sollen vns mit allem vleys hüten/ das / weil wir ein mal von gottes zorn / vnd Teuffels gewalt erlöset vnd kinder gottes worden sind / vnd den heiligen geist empfangen haben/ wir fortan nicht so vnfinnig seien / das wir vns selber

A ij muss

mutwilliglich in gottes zorn/vnd in die helle herunter sturtzen.

Weil wir aber noch den alten verderbten Adam an vns haben/vnd aus schwachheit noch teglich sündigen/also das wir nit können leugnen / das wir nicht sünd haben/wie S. Johannes sagt / so müssen wir widerumb alle tage den vorigen weg lauffen/ Nämlich das wir vns vnser sünd lassen leid sein/ durch den glauben an Christum mit got versünet werden/vnd vns ja vleissig hüten / das wir got den almechtigen nicht erzurnen.

So ist auch nie so weitleufig erklaret worden/ das alle stende got wolgefellig sind / vnd das man darin selig werden kan.

Item die philosophia / vnd alle menschliche gebot / weisheit / vnd vernunfft sind noch niemals so fein mit gottes wort gestimmet / vnd nie so fein angezeigt worden/wie weit sie vns dienen mügen/vnd wo sie nit furuber schreiten sollen. Die papisten haben traum von solchen allen nichts gewust / sondern alles durcheinander gewirret vnd geruret.

Item der Antichrist ist geoffenbarer die heilige schrift durch vnd durch ist so fein deutlich erklaret/ vnd an tag gegeben / das nun ein kind von zehen Jahren mehr kan darin vorstehen / den zuuorn grosse doctores.

Summa es ist in zunder die güldene zeit / do vnser herr gott seinen geist reichlich ausschüt / vber seine knechte vnd megde/vnd seine erkentnis ausgeußt vber die welt/wie das wasser ins mehr.

Wie stellet sich aber die welt gegen der grossen/ vn aussprechlichen Gnade vnser lieben Gottes?

Zum

Zum ersten die vnchristen / als Türcken / vnd
Juden / leßern vnd verfolgen nur den Christum mit
seinem wort vnd Christen.

Zum andern so sind die papisten / vnd sunders
lich die geistlichen also mit dem Teuffel besessen /
das sie ane vnterlas Christum mit seinem Euanges
lio schmecken vnd verfolgen / vnd wider den heiligen
geist wissentlich sündigen.

Das allein das lamb gottes die sünde weg
nimpt vnd sey kein ander name vnter dem himel etc.
das ist fur fren augen die ergste ketzerey / so ibe in die
welt komen ist. Denn sie müssen trawen mit ihrer
mes vigilien vnd ablas das beste dazu thun.

Das alle Christen aus dem kilech trincken sollen
ist auch ein grausame verdampfte ketzerey / denn dies
se. Ehre gebürt allein den geistlichen.

Das ein Bischoff / oder pfarber sol eines weis
bes Man sein / ist auch ein schedliche ketzerey / denn
ire der geistlichen keuscheit sol got sehr angenehm
sein wie Sodom vnd Gomorra.

Das nur ein mittler sey zwischen got / vnd dem
menschen ist auch ein greuliche ketzerey. Denn wie
es ein vnue. schamp Ding were / wenn ein Bawer
zu hof keine vnd balde zum fürsten hinein lieffe
vnd nicht zuuor etliche hofte juncker anspreche / das
sie seine sache bey dem fürsten ausrichteten / also sol
ein armer sündet bey leibe nicht flucks zu Christo
hin lauffen. Sonder er sol erwan einen heiligen / als
S. Franciscum / S. Dominicum / Annam / oder an
dere dergleichen suchen / vnd ansprechen / damit sie
sein sache bey dem zornigen / vnd gestrengen Richter
Christo austrichten.

A iij Also

7 Also greulich verdampt/ leßert / vnd verfolget
der Antichrist / mit seinen geistlichen gesellen / vnd
Kinder der finsternis die himmelische erkante war-
heit / das liebe gotlich wort / vnd den heiligen geist
selbs.

Zum letzten etliche der jenigen / welche das gut-
ge wort gottes / vnd den heiligen geist geschmecket
haben / fallen stracks zum Antichrist widerumb/
vorleugnen / vnd kreützig den erkanten Christum
nur vmb zeitlichen / vnd vngewissen frides willen.

Etliche aber scheinen sich noch ein wenig / so
stracks von Christo abzufallen / darumb suchen sie
ein listige weis / das sie / dasselbige heimlich (damit
es nicht ein iglicher merck) thun künnten / vnd stel-
len sich so als sie zweyen herrn dienen wöllen / Aber
fürwar / wenn man vleissig acht darauff hatt / so
siehet man fein / das jr gemut vnd thuen nur dahin
gerichtet ist / das man den menschen dienen möge /
von jnen fried / vnd gunst zuerlangen.

Vnd was sol man viel dauon reden / es sind ebe
dieselben also klug / vnd frum / das sie wöllen viel
lieber mit den gotlosen / die Christen / vnd Christum
mit seinem Euangelio verfolgen / den mit den armen
Christen vmb Christus willen was von den gotlo-
sen leiden / vnd wenn sie ja müssen was leiden / so
wöllen sie lieber vmb ein böse sach mit den gotlosen
leiden / denn vmb das clare bekenntnis Christi mit
den Christen.

Widder solche grosse Teuffelische vnd anckbar-
keyt der welt / wie meinsteu das vnser herr gott gesin-
net

net ist? ane zweuel wirt er als ein rechter Richter
noch solche abernünige Mammelnken auch in dies
sem leben greulich straffen/vnd verkündiget trawen
solchs der bösen welt nicht allein durchs mündlich
wort/ sonder auch mit mancherley gesichte Im
himel/wasser/ vnd erden/vnter andern hatt er auch
lassen blut fließen in Schlesier land/ Francken/
Sachsen/ vnd newlich in Meissen bey Zerbick/
welchs geschehen/eben zu der zeit/ do man zu Tor/
gaw sieben Christen vmb eines Juden willen gef
köpft hat/da hat die erde wol erzelget/ das sie das
vnschuldige abels blut nicht vorbergen wil/ sonder
das es zu got schreien wirt/ bis das es von gott str
ne billiche Rache vber kommet. Der Jude aber ist
eben an dem selbigen tage/wenig stunden zuuor/ do
er den herren Christum geschmehet/ das er vber die
Christen gesieget hatte mit dem jehen todt von got
gestrafft worden. wer nu ein solcher narr sein wolt/
das er lieber mit Jenen armen Christen geköpft
sein wolte/denn sich des Juden Antichrists/ vnd
andern gotlosen lesterungen vnd verfolgung teil
hastig machen/ der mocht vielleicht noch zu seiner
zeit recht klug geachtet werden.

Auff das wir aber zur sache komen/ Es wer
den ja sehr viel gesicht gesehen an Sonne vnd
mond/im himmel/wasser/vnd erde/wie solchs Chri
stus zuuor gesagt hat/ das sie vor dem jüngsten tag
geschehen sollen. Derselbigen ein teil ane zweuel
vermanen zur bus/ ein teil aber trösten die betrüb
ten Christen. Ein solch göttliche vermanung/ vnd
trost ist gewisslich auch dieses gesicht/ welehs zu
Darius

Braunschwig gesehen ist worden / vmb welcher vrsach willen es auch gedruckt wirdt / auff das die jenen vermanet werden die sich vermanen lassen wollen. Denn itz schier die gantze welt entweder verspottet got mit seinem wort vnd gesichten gantz vnd gar / oder ja zum wenigsten sich viel mehr vor den menschen denn vor gott furchtet / viel mehr dieses den jenes leben lieb hatt. Gott gebe vns gnad / das wir mügen seinem zukünfftigen schrecklichen zorn entfliehen Amen.

W. W. Jlyricus

Zeichen am Himmel bey Braunschwig gesehen etc.

DJeses gegenwertigen 1549. Jar in der negsten wochen vor pfingsten / sindt vier bürgersün von Braunschwig / aus viererley der furnemsten geschlecht da selbst purtig / reicher vnd erlicher leüt kinder / der eine ist noch ein knab die drey aber sind vorstendige geschickte Rauff gesellen / Erbars vnd zuchtigen lebens / von Antorff in fünff tagen vnd nachten gehn Braunschweig gefaren / welchs bey lxxx. meil wegs sindt / vnd auff das pfingst fest anheym zu komen geylet / damit sie die predig des gottlichen worts das fest vber / so inen zu Antorff seltsam gewesen / hören mochten / vnd als sie am heiligen pfingst abent nach mitternacht zwischen Celle vnd Brunschwig auff halben wege in der heyde fur einem hoff vber der Ahoff genandt gefaren / haben sie vnternander von gottes wort geredet vnd die zwen so latein gekundt den lateinischen gesang von sendung des heyligen geists *veni sancte spiritus*

spiritus gesungen / die andern zwen aber der knob
vnd der eltest vnter inen haben auff dem wagen ges
schlafen bald darnach hatt der eine vmb den mond
ein grossen hoff oder circel vnd drey monden ges
sehen / da doch der ein sunderlich seer Clar vnd hell
die andern zwen aber dunckler geschinen / vnd hat
ihn nicht anders gedenecht den wie der mond vmb
den Circel etlich mal herumb gangen / hatt im ein
sunderlich gesicht nach gefolget.

Zum andern ein grosser feüriger lawe / Zum
dritten mal ein adler mit zweyen Köpffen / der eine
kopff vnd die halben seitten ist dunckel / die ander
aber sichtig gewesen / mit dem sich der adler gleich
ein pellicann in die brust gehacket / da er es gesehen /
hatt er es dem andern so nicht geschlafen geweiset /
da er darnach gesehen / ist der adler vergangen vnd
der mond zum 4. mal im circel herumb komen /
dem ein gros hehrlich bild welchs dem gefangene
Churfürsten zu Sachsen / gott helff im gnediglich /
gleich gesehen nach gefolget / also das der ander dem
es der erste geweist gesaget / sihe ich doch hie den
Churfürsten zu Sachsen so eigentlich als ob er con
trafect were / darnach haben sie gesehen ein bild wie
man gott malet da er Adam vnd Euaam geschaffen
welche darnach bede zu sam / nemlich Adam vnd
Euaam / das bildnis so gott bedeutet / auff seine
hende für sich genomen wie ein mutter ein kind
für sich nimpt vnd anschauet / an dem sie ein wolf
gefallen hatt / vnd nach diesem sind viel vnd man
cherley thier ein grosser hauff vntereinander vnd
darrinnen sunderlich ein Camel sichtig gesehen wor
den / Nachuolgend ein grosse meng volcks hernach
gleichsam

gleichsam stedt vnd schlösser sampt vielen andern
mancherley seltsame gesichten / der sie nicht aller be-
halten haben / Darnach haben sie Christum am
creütz hangend zwischen zweyen schechern gesehen
vnd als dan der Apoktel schar vnd versammlung.
Endlich haben sie ein grosse schreckliche person
mit ein ser langen gewaltigen schwerdt / so dasselb
zum streich mit beiden henden als ob sie itzundt zu
hawen wolt vnd ein weib die bitterlich geweinet
vnd bede augen mit den henden getreüget gesehen/
vber diesem allen die zwen vber die mass erschro-
cken vnd haben den dritten auff geweckt / Des Knab-
ben aber vmb seiner jugent willen verschonet vnd
schlafen lassen / der dritte so auff gewacht hat wol
nichts eigentlichs den seltsam gestalt des himmels
vnd das Camel gesehen / ist aber gleicher weis er-
schrocken vñ haben alle drey anderst / nicht gewusst /
denn der jüngste tage würde itzt hereiner brechen /
darumb sie in wagen auff die Enle gefallen vnd sich
anders nicht dan ob sie vnd die gantze welt got itzt
richten würde / versehen / der eine aber so von anfang
alles gesehe / wie er dan ein gotföchtiger mensch ist /
hatt hefftig vor seinen vatter vnd mutter vnd die
gantze stadt Braunschwig gebetten / gotte wolle sie
nit mit seinem gestrengen gerichtte also vberfallen
vnd allein damit auff zihen bis er zuuor hie rein kom-
men es jnen ansagen / vnd die leüt warnen vnd zur
buß vermanen möcht / das sie ire sünde bekennen /
vnd vmb vergebung der selben betten möchten.

Ist derwegen nach dem sie in des bis zum ge-
richte vor der stadt komen vom wagen gesprungen
vnd

vnd vor her geloffen / ann das thor angeklopffet
vnd geruffen / dem auch die thorbütterin geantwort
aber nicht einlassen können / also ist im ihe lenger ihe
engster vnd penger worden / vnd wider biseyts in
das feld alleine geloffen vnd hatt hefftig gebettet /
vnd noch nicht anders gemeint dan es würde itze
das gericht gotts angehen also findt in des die an
dern hernach komen vnd die nachbarn in der vor
stadt von sein anklopffen vnd ruffen erwacht vnd
auff gestanden / vnd do sie in / in ein hauss füren wol
ten welchs in noch ferer erschreckt / da sie in / in sei
nem gebett / verhindert derhalben er sich von ihnen
gerissen vnd die kleider faren lassen / Sie aber zur
bus vermanet vnd gesaget gottes gericht were vor
handen darumb solten sie bus thun / das sie alles
vor thorbeyt gehalten vnd gemeint er were seiner
sinne beraubt / vnd im ein bet büchlein bracht vnd
für lesen wollen / er aber hatt gesaget er sey ja nicht
vnsinnig vnd wisse wol was er thue oder sage man
solle im das buch geben er wolle selbst lesen wie er
dan gethan / vnd gleich den spruch Christi mat. am
eylfften für sich bekumen / do der herre spricht /
Kumpt her zu mir alle die muhe selig seyt ich will
euch erquicken / Daraus er in seinem gewissen gross
sen trost empfangen dan er in grossen engsten ge
wesen vnd nicht gewiss schliessen hat können ob im
gott seine sünde vergeben oder in darumb straffen
vnd richten wolt.

In des ist sein vater so vom huder gefordert kom
men / mit dem er in die stadt ist gangen / vnd ist solchs
in der gantzen stadt ruckbar worden. Es hats

B ij

aber

aber iderman dafurhalten wollen als ob er solchs
aus beschwerung seines heubts geredet so doch die
andern zweene einhellig von im zeügen/ das er auff
der gantzen reys auch zuuorn zu Antorff Keyn
vngeschiekt noch vergebens wort jemals geredet/
weniger das er einige beschwerung des heubts/
oder andere Franckheit solt haben. Des gleichen
zeigen sie auch das sie in gleicher angst/ schrecken/
vnd foreht mit ihm gewesen/vñ also das sie die zeit
ires lebens in grösserm schrecken ires gewissens vnd
sünde halben nie gewesen/ vnd haben allein gebeten
das ihnen gott die selbige gnediglich verzeihen/
vnd ihnen gnedig vnd barmhertzig sein wolle/ das
sie sich anderst nichts den seines gerichtts vorsehen.

So habe ich die zween so das gesicht am meis-
sten gesehen/ selbst besprochen/ die einhellig mit
einander stimmen/ vnd des dritten vettern so eins
rats freünd ist auch gefraget/ der mir auch gesagt
das ihm sein vetter gleicher gestalt anzeiget/ Ich
habe aber mit sundern vleis auff des so das gesicht
am meisten gesehen vnd also in das feld geloffen/
alle wort rede vnd geberde achtung geben vnd nach
andern vinstenden mehr geforschet/ oder im aller
wenigsten nicht vormercken mögen das es aus ei-
ner melancolia oder anderer vngeschicklichkeit ge-
schehen were. So ist er auch so wol als die andern
die pfingsten vber vleissig zur kirchen gangen vnd
hatt gottes wort mit grosser andacht gehort vnd
gelesen/ vnd alle seine geschefte wie zuuorn allwe-
gen/ geschicklich aus gericht.

Es ist auch diese pfingsten ein bott von Leipzig
An/

Andreas genant auff der Keyse nach Braunschwig
vnd Lübigk gewesen der hie etlichen Bürgern ges
saget / das er auch so schreckliche ding gesehen / das
im grawe mehr die nacht zu wandern vnd hat auch
gesaget wie das er ihn am Creütze hette hangen
sehen / doch nicht wie Christum gestalt / dan er hatte
ein grwaen bart gehabt / so hatte er auch einen mit
dem schwerdt vnd einen fur im knien als wolt er im
den kopff abhawen / auch zwen engel vnd ander viel
dings mer gesehen / dan es sich oft verendert vnd
bis in die vier stunde geweret / wie dan diese hysche
Kauffgesellen auch sagen / das es so lang geweret
hab gott schicke es in seinem ewigen lob vnd seiner
armen Christenheyt heil vnd seligkcyt.

Ich kan aber anders daraus nicht vermercken /
dan das eine gnedige warnung gottes sey / die er nes
ben seinem heiligen wort gibet / vnd ist ein stücke
von der eroffnung des gewissens welchs gott an sei
nem Jüngsten gericht dem gantzen menschlichen ge
schlecht eroffnen wirt vnd alle menschen der wol
that die er ihnen in seinem liben Sonn Ihesu Chris
sto von anfang erzeiget hat / erinnern vnd ein jeden
nach dem er solche gaben gottes erkant vnd sich im
glauben drein geschicket hatt richten wirdt / Der
ewige gott wölle vns allen gnedig vnd barmhertzig
sein / vnd durch seinen heiligen geist mit dem erkent
nis seines lieben sons Ihesu Christi erleuchten vnd
in ewigkheit selig machen Amen.

Der furman aber / so dise Kauffgesellen gefurt /
ist von der schrecklichen gestalt des himmels also
erschrocken

B ij

erschrocken


erschrocken dz er nicht vber sich hat sehen dürfen/
vnd ist von solchen schrecken/ so made worden/ das
er den selbigen tag in der herberg widder essen noch
trinken hatt mögen/ vnd gesagt/ er sey sein lebelang
in solchen engsten nie gewesen.

So wonet ein alter man bey sibentzig jaren/
auff einem thurn in der landwere der raff thurn ge-
nant der hatt am pfingsts abent einen man vnd ei-
ne frawen von halberstadt geherbergt/ mit denen er
zu morgens frū am pfingstag auch gesehen wie
das sich der himmel auff gethan eitel feur worden/
vnd wie zwey wetter gegen einander geblitzt/ vnd in
dem feur haben sie auch einen grossen mann mit
einem schwert gesehen/ der das selbige zu beiden
händen gefast/ als ob er zu harren wolt/ hinter im
aber sey einander gestanden/ der hab im den arm
vnd den streich auffgehalten/ dauon disser alter man
also erschrocken/ das er die pfingst feyr tag nicht in
die stadt hat gehn können/ welcher solchs am acht
vnd zwentzigsten Junij im bey sein zweier ehrlicher
vom adel bestendig vor mir angesagt.





1549



8. July zu Befestigung I. in der 7. B. 17
zu ungenüge wurde an ein Aufbäumen sein
von 2. gewickelt von geflochtenen 20 86
sol ein populanz bediente ad was unge
abferne ein hundert wunter folg.
Der fante wunter 21. 22. 23. 24. 25. 26. 27. 28. 29. 30.
stalt das ma. 2. 3. 4. 5. 6. 7. 8. 9. 10. 11. 12.
für mate 10000. 20000. 30000. 40000. 50000.
Tanne 10000. 20000. 30000. 40000. 50000.
Tanne 10000. 20000. 30000. 40000. 50000.
Tanne 10000. 20000. 30000. 40000. 50000.
Tanne 10000. 20000. 30000. 40000. 50000.

A3: 44 $\frac{19}{4,13}$


Anfrage: 100. 200. 300. 400. 500.
1987

ULB Halle 3
001 972 758



JA 70





Ein wunderbarlich gesichte newlich bey
Braunschweig am hiemel gesehen/beschriben
durch den hochgelerten hern Doctorem Ni-
colaum Medlerum / superattendentem
zu Braunschweig.



Kuec am 21 wenn dis anfehbet zu geschehn so sebet
vff/vnd hebt ewer heubter vff/darumb das sich ewer
erlösung nabet.

*D:2. Aetiori Lapadio fructuo
Math. flacis Thyrice cvij*

